

6. corpore spiritum incorruptibilem. Ex his essentia, propter sinceritatem lucida ac sana, dulcedinis studio constringit,
7. et scientiae studio, vir innocue. Impetum affectibus cognatum scias, e sitis ortum stimulo: is constringit, Kuntidis
8. nate, agendi studio mortalem. Caliginem vero ex inscitia natam scias, fascinationem cunctorum mortalium: errore,
9. desidia, veterno ea constringit, o Bharata. Essentia in dulcedine praepollet, impetus in actu, o Bhârata; scientiam
10. involvens vero caligo in errore praepollet utique. Impetu caligineque devictis, essentia existit, o Bhârata; impetus existit, essentia et caligine *devictis*; caligo perinde, essentia
11. ac impetu *devictis*. Quando in hoc corpore, per omnes portas collustrato, subnascitur scientia, tunc noscat aliquis,
12. essentiam adultam esse utique. Aviditas, alacritas, festinatio, inquietus agendi stimulus: haec impetu adulto nascuntur,
13. Bharatidarum princeps. Hebetudo, tarditasque, error, stuporque pariter: haec caligine adulta nascuntur, Kuruis
14. proles. Quando autem essentia adulta ad dissolutionem pergat mortalis, tunc ad sedes puras eorum, qui summum
15. norunt, progreditur. Impetu *adulto* ad dissolutionem profectus, inter agendi studiosos renascitur; porro dissolutus
16. caligine *adulto*, e bruto quodam utero renascitur. Operis honesti fructus fertur essentialis ac sine labe; impetus autem
17. fructus, molestia; ignorantia, caliginis fructus. Ex essentia nascitur scientia, ex impetu aviditas pariter; error ac stupor e
18. caligine existunt, nec non ignorantia. Sursum eunt in essentia permanentes, in medio consistunt impetuosos, in infima
19. qualitate versantes deorsum eunt caliginosi. Quando neminem alium praeter qualitates actorem spectator *ille* respicit, et id novit, quod qualitatibus praestat, tunc ad meam